

* MARSII Ptolem. ibid. vulgò *Marci*. *Luminosus* Episcopus Marsensis subscripsit Concilio Lateranensi sub Martino.

† PRÆNESTE Ptolem. ibid. vulgò *Palestrina*. *Januarius* hujus Episcopus subscripsit Concilio Romano sub Hilario, & *Romulus* item Romano sub Felice, & quartæ Synodo sub Symmacho.

FURCONIUM Paulo Diacono hist. Longobard. lib. 2. cap. 20. hodie *Forconio*. In ea Civitate sedem Episcopalem à primis sæculis fuisse ferunt, sed ejus Episcopum non legi ante *Florum*, qui subscripsit Concilio Romano sub Agathone.

¶ AMITERNUM Plinio lib. 3. cap. 12. vulgò *S. Vittorino*. *Valentinus* hujus Episcopus subscripsit Concilio Romano primo sub Symmacho.

REATE Straboni lib. 5. vulgò *Rieti*. *Ursus* hujus Episcopus subscripsit Concilio Romano tertio sub Symmacho.

§ LISTA Dionysio Urbs Sabinorum non longè distans à Reate. *Joannem* ejus Episcopum fuisse conjicere est, qui à Divo Gregorio Presbyter Cardinalis constitutus est in Ecclesia Scyllatina, Epist. 25. lib. 2. Indict. 10.

PITINUM Plinio & Antonino, cujus verus situs adhuc ignoratur, non longè fuit ab Amiterno. Romanus Episcopus Ecclesiæ Pitinatium adfuit Concilio Romano I. sub Symmacho, cui ejus nomine subscripsit *Valentinus* Episcopus Amiterninus. Nomen & vestigia supersunt duobus paulo plus passuum millibus à civitate Aquila in loco, qui vulgo dicitur *Torre di Pitino*. LUCAS HOLSTENIUS.

** CURES, Curis Straboni lib. 5. vulgò *Curese*. *Tiberius* Episcopus Curicum Sabinorum subscripsit Concilio Romano sub Hilario. Hancque sedem probabile est eandem fuisse cum ea, quæ dicitur sancti Anthimii, cujus meminit Divus Gregorius Epist. 2. libro 2. Indict. 11. & quam uniit Nomentanæ.

S A M N I U M.

†† BENEVENTUM Ptolem. lib. 3. c. 1. hodie *Benevento*. *Epiphanius* hujus Episcopus subscripsit Concilio Romano primo sub Symmacho: & *Theophilus* ejusdem Civitatis Episcopi meminit Optatus lib. 1.

§§ SÆPINUM Ptolem. lib. 3. cap. 1. vulgò *Sepino*. *Proculianus* Sepinatis Episcopus subscripsit Concilio Romano tertio sub Symmacho.

SULMO Ptol. ibid. nunc *Sermona* dicitur. *Palladius* Sulmontinus Episcopus subscripsit Concilio Romano primo sub Symmacho.

BOVIANUM, Bojanum Ptol. ibid. vulgò *Bojano*. *Laurentius* Episcopus Bojanensis subscripsit Concilio Romano tertio sub Symmacho.

ALIPHA, vel Allifa Ptol. ibid. *Clarus* Episcopus Aliphanus subscripsit Concilio Romano primo sub Symmacho.

THEA-

N O T Æ.

* *Marsi &c. vulgò Marci*] Joannes Maricanus Episcopus legitur in sententia Vigili Papæ contra Theodorum Cæsariensem. Sedes fuit Marruvii, quæ & civitas Valeriæ. LUCAS HOLSTENIUS.

† *Præneste &c.*] pertinet ad Latium. LUCAS HOLSTENIUS.

¶ *Amiternum &c.*] Castorius Amiterninæ civitatis Episcopus apud D. Gregorium M. Dialog. lib. 1. cap. 1. sed locus malè corruptus ex Græca versione restituendus. LUCAS HOLSTENIUS.

§ *Lista*] Lista etiam nunc nomen retinet *Monte di Lista* 3. M. p. Reate distans. Certissimum vero est eum locum nunquam habuisse Episcopum, cujus nulla, nisi apud unum Dionysium mentio extat, qui inter vetustissima Aboriginum oppida commemorat. Ea autem Dionysii tempore ferè omnia interierant. Lissitana autem Ecclesia, cui Joannes præfuerat, in Lisso, in ora maris Adriatici oppido fuit. vide Notas infra ad Dalmat. hodie *Alessio* dicitur. LUCAS HOLSTENIUS.

** *Cures &c. probabile est eandem cum ea fuisse,*

qua dicitur S. Anthimii.] Imo verissimum. Vide Joannem Diaconum de vita S. Gregorii lib. 3. cap. 15. Dulcitius Episcopus S. Anthimi subscripsit Concilio Romano tertio sub Symmacho. Idem in Concilio I. sub eodem Symmacho vocatur absolute Episcopus Sabinensis in subscriptionibus. Vulgo *S. Anthima* dicitur, nobilis olim Abbatia, nunc diruta; reditus tamen amplos etiam nunc habet, distat ab Urbe M. p. 22. ut habet Bedæ Martyrologium. LUCAS HOLSTENIUS.

†† *Beneventum &c. hodie Benevento*] *Januarius* subscripsit Synodo Sardicensi. LUCAS HOLSTENIUS.

§§ *Sepinum &c.*] *Palladium* quoque Sepinatem Episcopum fuisse existimo, qui malè Salpinas vocatur in Concilio Romano Hilari Papæ: neque enim Salpini in Tuscia Suburbicaria hoc tempore nomen aut vestigia supererant: neque ad Salpas Apuliæ pertinet, de quibus notavi pag. sequenti. Inde enim Salpinus Episcopus dicitur. LUCAS HOLSTENIUS.